

## Petro Nhoma A Edi Kan

<sup>1</sup> Saa krataa yi fi Yesu Kristo somafo Petro nkyen,

Ɔde kɔma Onyankopɔn nnipa a wayi wɔn a wɔabɔ ahwete sɛ ahɔho kɔ Ponto, Galatia, Kapadokia, Asia ne Bitinia amantam mu no.

<sup>2</sup> Wɔnam Agya Onyankopɔn botae so na woyii mo na wɔnam ne Honhom so tew mo ho sɛ munnɩ Yesu Kristo akyi na enam so ama ne mogya no atew mo ho:

Adom ne asomdwoe a edɔɔso nka mo.

### *Anidaso*

<sup>3</sup> Momma yɛnna Onyankopɔn a ɔyɛ yɛn Awurade Yesu Kristo Agya no ase. Esiane n'ahummɔbɔ dodow nti, ɔnam nyan a onyan Yesu Kristo fii owu mu no so maa yɛn nkwa foforo. Eyi ma yenya anidaso a ase atim,

<sup>4</sup> enti yerehwɛ anim sɛ yebenya nhyira dodow a Onyankopɔn akora a ɔde bɛma ne mma no bi. Ɔde asie wɔ ɔsoro ama mo, efise hɔ de, eremporɔw anaa erensɛɛ na erempa nso.

<sup>5</sup> Na Onyankopɔn gyina ne tumi kese no so bɛhwɛ sɛ mubedu hɔ wɔ asomdwoe mu na mo nsa aka, efise mugye no di. Ebeyɛ mo de nna a edi akyiri no mu ama obiara ahu.

<sup>6</sup> Ɖwɔ mu sɛ ebia ɛbɛba mpɛmpɛn, esiane ɔhaw bebree a mɔbɛfa mu no nti, mo werɛ bɛhow de, nanso momma mo ani nnye saa asem yi ho.

<sup>7</sup> Ɖhaw ba sɛnea ɛbɛyɛ a wobehu sɛ mo gyidi no yɛ kann. Sikakɔkɔ a wotumi sɛe no no mpo, wɔde ogya sɔ hwɛ, enti esɛ sɛ wɔsɔ mo gyidi a esom bo kyɛn sikakɔkɔ no hwɛ hu sɛ ebetumi agyina ana. Ɖno ansa na da a Yesu Kristo bɛba no, mubenya anuonyam.

<sup>8</sup> Ɖwɔ mu sɛ munhu Yesu de, nanso modɔ no. Munhu no mpɛmpɛn de, nanso mugye no di. Anigye a moanya no boro so,

<sup>9</sup> efisɛ mo nsa renka gyidi so mfaso a eyɛ mo kra nkwagye no.

<sup>10</sup> Saa nkwagye yi na adiyifo no de boasetɔ hwɛhwɛɛ mu, hyɛɛ saa akyɛde yi a Onyankopɔn de bɛma mo no ho nkɔm.

<sup>11</sup> Wɔpɛɛ sɛ wohu bere no ne ɔkwan a ɛnam so bɛba. Saa bere yi ne bere a Kristo Honhom a ɛte wɔn mu no rekyerɛ wɔ nkɔmhyɛ a ɛfa Kristo amanahunu a ɔbɛfa mu ne anuonyam a ebɛdi akyi no ho.

<sup>12</sup> Onyankopɔn daa no adi kyɛrɛɛ saa adiyifo no sɛ, wɔanyɛ adwuma no amma wɔn ho, na mmom wɔyɛ de som mo. Wɔnam Honhom Kronkron a wɔsɔmaa no fii ɔsoro no tumi so kaa Asemɛpa no kyɛrɛɛ mo. Ɖwɔ mu sɛ abɔfo no pɛɛ sɛ wɔbɛte Asemɛpa yi de, nanso wɔde brɛɛ mo nko ara.

<sup>13</sup> Enti mumsi mo adwene pi na munni dwuma. Munnyina yiye na momma mo ani nna nhyira a

wɔde bema mo Yesu Kristo ba a ɔbeba no mu no so.

<sup>14</sup> Muntie Onyankopɔn, na mommma akɔnnɔ abrabɔ a edii mo so bere a na munnim no no nni mo so.

<sup>15</sup> Na mmom monye kronkron wɔ biribiara a moye mu, senea Onyankopɔn a ɔfrɛe mo no ye kronkron no.

<sup>16</sup> Kyerɛwsem no ka se, “Ese se moye kronkron, efise meye kronkron.”

<sup>17</sup> Monkae se mo Agya a ɔwɔ ɔsoro a mobɔ no mpae no nhwe nnipa anim wɔ n’atemma mu. Eno nti momfa nidi nyinaa mma no wɔ mo nna a aka mo wɔ asase yi so no.

<sup>18</sup> Efise munim bo a wotua de gyee mo fii abrabɔ bone a mo nananom kyereɛ mo no mu. Enye ade a ehwere ne bo a esom te se dwete anaa sikakokɔ no.

<sup>19</sup> Kristo a ɔte se oguamma a onni dem no de ne ho bɔɔ afoɔre a ne bo ye den ma munyaa ahofadi.

<sup>20</sup> Ansa na wɔrebɔ wiase no, na Onyankopɔn ayi no na mo nti na nna a edi akyiri no wɔdaa no adi no.

<sup>21</sup> Enam ne so na mugyee Onyankopɔn a onyan no fii awufo mu na ɔmaa no anuonyam no dii. Enam so ama mo gyidi ne mo anidaso ase atim wɔ Onyankopɔn mu no.

<sup>22</sup> Afei a moaye osetie ama nokware no nti, mo ho atew na mododo mo nuanom agyidifo nokware mu yi, mumfi mo koma nyinaa mu nnodo mo ho mo ho.

<sup>23</sup> Efise wɔawo mo foforo; emfi aba a eporɔw mu, na mmom efi Onyankopɔn asem a emporɔw no mu.

24 Kyerewsem no ka se,  
 “Nnipa nyinaa te se sare;  
     na won anuonyam te se nhwiren.  
 Sare no wu ma ne nhwiren no po,  
     25 nanso Awurade asem no wo ho daa nyi-  
     naa.”  
 Eyi ne asem a Asempa no de bree mo.

## 2

### *Onyankopon Ankasa Nkurɔfo*

1 Montwe mo ho mfi bone nyinaa, atoro anaa nyaatwom anaa anibere anaa nseku ho.

2 Monye se nkokoaa a bere biara osukom de mo, se mubenya honhom mu nufusu kronkron anom, na se monom a moanyin na woagye mo nkwa.

3 Senea Kyerewsem no ka se, “Moaka Awurade ayamyee no ahwe.”

4 Mommra Awurade a oye obo a nkwa wo mu no nkyen. Ono na nnipa poo no, na Onyankopon yii no se n’ade a esom bo.

5 Mo nso mote se abo a nkwa wo mu a wode mo resi odan a honhom ahye no ma. Eho na mobesom se asofo Kronkron a monam Yesu Kristo so bebo honhom mu afore a edi mu ama Onyankopon.

6 Na Kyerewsem no ka se,  
 “Mayi obo a eho hia a mede beye Sion tweeko  
     a  
     obiara a obegye no adi no,  
     worenni no nhuammɔ.”

7 Saa obo yi so wo mfaso yiye ma mo a mugye di.  
 Na won a wonnye nni no,  
 “Obo a adansifo apo no,

eno ara na abeyε tweatibo.”

<sup>8</sup> Wɔka bio wɔ Kyerewsem no mu se,

“Saa ɔbo yi na ebema nnipa ahintiw;

ɔbotan a ebema wɔahwe ase.”

Wohintiwii, efise na wonnye asem no nni. Saa na Onyankopɔn hyee.

<sup>9</sup> Na mo de, moye nnipa a wɔapaw, asɔfodi mu adehye, ɔman kronkron, Onyankopɔn ankasa nkurɔfo a wɔayi mo se monka n’anwonwadwuma no ho asem. Ɔno na ɔfrεε mo fii sum mu baa n’ankasa hann nwonwaso no mu.

<sup>10</sup> Nna bi a atwa mu no, na monye Onyankopɔn nkurɔfo, nanso afei moye ne nkurɔfo; nna bi a atwa mu no, na munnim Onyankopɔn ahummɔɔ no, nanso mprenpren de, moanya n’ahummɔɔ no.

### *Onyankopɔn Asomfo*

<sup>11</sup> M’adɔfo, mekasa kyere mo se ahɔho ne amamfrafo a mowɔ wiase. Montwe mo ho mfi ɔhonam akɔnnɔ a daa ene ɔkra no di asi no ho.

<sup>12</sup> Mommɔ ɔbra pa wɔ amanaman a mofra won mu no mu, na se wɔka mo ho nsem se moye nneboneyεfo a, wɔahu mo papa a moaye no nso, anam so ahyε Onyankopɔn anuonyam da a ɔbeba no.

<sup>13</sup> Mommre mo ho ase wɔ Awurade din mu mma tumi a efi wiase nhyehyε nyinaa: se eyε Ɔhempɔn a ɔwɔ tumi a ebunkam so,

<sup>14</sup> anaa amradonom a ɔsoma won se wonkotwe won a woye bone no aso na wɔmmɔ atreneefo aba so.

15 Onyankopɔn ahyede ne se ɔpe se monam mo nneyee pa so ka nnipa a wɔkasa kwa no kasa no hye.

16 Montena ase se nnipa a mode mo ho. Munnsusuw se mo de mo ho nti mubetumi aye bɔne biara. Mmom, montena ase se Onyankopɔn asomfo.

17 Momfa nidi mma nnipa nyinaa. Monno anuanom agyidifo. Munsuro Onyankopɔn, na mummu Ɔhempɔn.

18 Afi mu asomfo nso, mommre mo ho ase mma mo wuranom, na munnni wɔn a wɔn yam ye na wɔn tirim ye mmrew no nko ni, na wɔn a wɔn tirim ye den nso, munni wɔn ni.

19 Se motɔ mo bo ase tena saa ɔyaw a emfata yi mu a, Onyankopɔn behyira mo, efise munim ne pe.

20 Na se moye bɔne na wɔhwe mo na munya ho boasetɔ a, morennya ho mfaso biara. Na se moye papa na wɔhwe mo na munya ho boasetɔ a, Onyankopɔn behyira mo.

21 Eyi nti na Onyankopɔn frɛe mo, efise Kristo no ankasa huu amane maa mo, de saa nhweso no gyaw mo, senea mubedi n'anammɔn akyi.

22 "Kristo anye bɔne.

Obiara ante atosem biara amfi n'ano."

23 Wɔbɔɔ no adapaa no, wammɔ wɔn bi antua ka. Ohuu amane no, wampoopoo n'ani na ɔde n'anidaso nyinaa hyee Onyankopɔn a ɔye Otemmufo pa no mu.

24 "Kristo no ankasa soaa yen bɔne" wɔ ne honam mu kɔɔ asennua no so senea yebewu ama

bone na yeatena ase wo trenee mu. “N’akuru mu na moanya ayaresa.

<sup>25</sup> Na mote se nguan a woyera,” nanso afei de, wode mo asan aba se mummedi Oguanhwefo no ne mo Krahwefo no akyi.

### 3

#### *Oyerenom Ne Okununom*

<sup>1</sup> Saa ara nso na oyerenom nso ese se mobre mo ho ase ma mo kununom senea ebeye a se won mu bi nnye asem no nni a, mo suban pa no betwetwe won ama woyage asem no adi. Eho nhia se mobeka biribi,

<sup>2</sup> efise wobehu obu ne nidi a mode ma Onyankopon wo mo suban mu.

<sup>3</sup> Mommfa nneema foforo bi nkeka mo ho mma mo ho nye fe; se eye okwan a mofa so kyekyere mo ti, anaa adwinne a mode siesie mo ho, anaa ntama a mufura.

<sup>4</sup> Momfa odwo ne ahobrease nkyere mo ahoofe a eye komamtew no. Saa ahoofe yi kye na eso Onyankopon ani.

<sup>5</sup> Saa okwan yi so na mmea agyidifo a wotenaase tete no a na wowo anidaso wo Onyankopon mu no nam bre won ho ase maa won kununom de kyere won ahoofe.

<sup>6</sup> Sara yee saa ara. Otiee Abraham asem frere no “Me wura.” Mprempren se moye papa na munsuro hwee a moye ne mmabea.

<sup>7</sup> Mo okununom nso, saa ara na ese se modwene mo yerenom ho wo mo asetena mu. Momfa nidi mma won na munhu mmerew a

wɔye na munhu se wone mo ye adedifo, na biribi ansiw mo mpaebɔ ho kwan.

*Papaye So Amanehunu*

<sup>8</sup> Nea etwa to, mo nyinaa montena ase asomdwoe mu. Munnya otema mma mo ho mo ho. Monnodɔ mo ho mo ho, na monye ahummɔbɔ, na mommre mo ho ase.

<sup>9</sup> Mommfa bone ntua bone so ka, na mommfa oyaw nso ntua oyaw so ka. Na mmom, daa munhyirahyira, efise eno nti na wofree mo, na moanya nhyira.

<sup>10</sup> Efise Kyerewsem no ka se,  
 “Obiara a ope se otena ase yiye  
 na ohu nna pa no,  
 ense se oka kasa bone,  
 na ese se ogyae atorotwa.

<sup>11</sup> Eɛɛ se otew ne ho fi bone ho na oye papa  
 na ohwehwe asomdwoe na odi akyi.

<sup>12</sup> Efise Awurade ani wo atreenefo so  
 na otie won mpaebɔ  
 na otia won a woye bone.”

<sup>13</sup> Se wopere se wope se woye nea etee a, hena  
 na obehaw wo?

<sup>14</sup> Na se eba mpo se woye nea etee na wuhu  
 ho amane a, w’ani gye. Munnsuro nnipa, na  
 mommma hwee nhaw mo.

<sup>15</sup> Momfa nidi mma Kristo wo mo koma mu,  
 na momma onye mo Awurade. Bere biara a obi  
 bebisa mo gyidi a mowɔ wo mo mu ho asem no,  
 monkyere no ase.

<sup>16</sup> Momfa obu ne nidi mma saa mmuae no.  
 Momma mo adwene mu nna ho senea won a



wɔka kasa bɔne fa mo suban pa wɔ Kristo mu no ho no anim begu ase wɔ wɔn nseku no ho.

<sup>17</sup> Efise sɛ eye Onyankopɔn pɛ sɛ mubehu amane a, eye sɛ mubehu ade trenee a moyɛ ho amane sen sɛ mobɛyɛ bɔne.

<sup>18</sup> Efise Kristo no ankasa wu maa mo. Owui penkoro maa mo bɔne sɛnea ɛbɛma moatumi akɔ Onyankopɔn nkyɛn. Wokum no ɔhonam mu, nanso ɔsɔree wɔ honhom mu,

<sup>19</sup> na ɔnam honhom no so kɔkaa Asempa no kyerɛ ahonhom a wɔda afiase no.

<sup>20</sup> Ahonhom yi yɛɛ asɔden tiaa Onyankopɔn bere a Noa resen ne hyɛn no, nanso Onyankopɔn tɔɔ ne bo ase maa wɔn. Onyankopɔn nam nsu no so gyee nnipa baawɔtwe nkwa,

<sup>21</sup> na saa nsu yi yɛ asubɔ a egye mo nkwa mprenpren no nsɛnkyerɛnne; ɛnyɛ ɔhonam ani fi hohoro, na mmom, eye bɔ a wofi ahonim pa mu hyɛ Onyankopɔn. ɛnam Yesu Kristo wusɔre so gye mo nkwa.

<sup>22</sup> Kristo kɔ ɔsoro afei, na ɔte Onyankopɔn nifa so na odi abɔfo ne wim atumfo nyinaa so hene.

## 4

### *Abrabɔ Foforo*

<sup>1</sup> Esiane sɛ Kristo huu amane wɔ ne honam mu nti, munso saa adwene koro no ara mu mfa nhyɛ mo ho den. Efise nea wahu amane wɔ ɔhonam mu no ne bɔne nni biribiara yɛ.

<sup>2</sup> Efi mprenpren rekɔ no, mo nna a aka wɔ asase so ha no, ɛsɛ sɛ Onyankopɔn na odi mo abrabɔ so na ɛnyɛ onipa akɔnnɔ.

<sup>3</sup> Moasɛ mmere bebree de aye nea anka ɛɛ sɛ abosonsomfo na wɔye. Motenaa ase wɔ ahohwi, akɔnnɔbɔne, nsabow, agobɔne, didimee ne abosonsom a eyɛ akyiwade mu.

<sup>4</sup> Mprempren eyɛ wɔn nwonwa sɛ mo ne wɔn mmɔ mu mmu ahuhubra no bio, ɛno nti wɔyeyaw mo.

<sup>5</sup> Nanso wobebu ho akontaa akyerɛ Onyankopɔn a wasiesie ne ho bu ateasefo ne awufo atɛn no.

<sup>6</sup> Saa nti na wɔkaa Asempra no kyerɛ awufo, sɛnea ɛbeyɛ a sɛ wogyina wɔn asetena yi mu nneyɛ so bu wɔn atɛn a wɔn honhom ne Onyankopɔn betena.

<sup>7</sup> Biribiara awiei abɛn. ɛɛ sɛ mohyɛ mo ho so na mowɛn na moatumi abɔ mpae.

<sup>8</sup> Eyi akyi no, monnodɔ mo ho yiye, efisɛ ɔɔ bunkam bɔne nyinaa so.

<sup>9</sup> Munnye mo ho mo ho ahɔho wɔ mo afi mu a anwiinwii biara nni mu.

<sup>10</sup> Obiara nnyina Honhom mu adom a wanya no so mfa nsom afoforo.

<sup>11</sup> Sɛ obi reka asem a, ɔnka Onyankopɔn asem. Obiara a ɔsom no, mfa ahɔden a Onyankopɔn de ma no no nsom sɛnea biribiara mu no, wɔbɛfa Yesu Kristo so akamfo Onyankopɔn a anuonyam ne tumi wɔ no daadaa no. Amen.

### *Okristoni Amanehunu*

<sup>12</sup> Anuanom, mommma amane a morehu no nyɛ mo nwonwa te sɛ nea montee so asem da.

<sup>13</sup> Na mmom, momma mo ani nnye sɛ mo ne Kristo rehu amane sɛnea mo ani begye daa, da a ɔbɛda n'anuonyam adi no.

<sup>14</sup> Nhyira nka mo se moye Kristo akyidifo nti woyaw mo. Eyi kyere se anuonyam honhom a eye Onyankopon Honhom no wo mo so.

<sup>15</sup> Ense se mo mu biara hu amane se owudifo anaa owifo anaa odwotwafo anaa osempefo.

<sup>16</sup> Na se muhu amane wo mo Kristosom mu a, mommma mo ani nnwu, na mmom, monna Onyankopon ase se moye Kristo de.

<sup>17</sup> Bere adu se wobu aten, na Onyankopon no ara nkurofo na wobedi kan abu won aten. Na se efi yen so kan a, ebewie Asempa no ho asoodenfo no den?

<sup>18</sup> Kyerewsem no ka se,  
 “Eye den se wobegye onipa pa nkwa;  
 na won a wonnye asem no nni ne  
 nneboneyefo no de, den na ebeba won  
 so?”

<sup>19</sup> Ne saa nti, ese se won a wohu amane senea Onyankopon ahyehye no de won ho ma Obode no na wokɔ so ye papa.

## 5

### *Mpanyimfo Ne Nguankuw No*

<sup>1</sup> Me a meye opanyin no, mitu asafo no mu mpanyimfo fo se, meye Kristo amanehunu no ho dansefo nti n'anuonyam a wobeda no adi no beka me bi. Mitu mo fo se,

<sup>2</sup> monye nguan a Onyankopon de won ahye mo nsa no nguanhwefo na monhwe won yiye senea Onyankopon pe se moye no. Monye adwuma a monhwehwe ho akatua biara, na mmom pe ara na mope se moye. Adom ne asomdwoe mmunkam mo so.

<sup>3</sup> Monnhye wɔn a wɔde wɔn ahɛ mo nsa no so, na mmom monye nhweso pa mma nguan no.

<sup>4</sup> Na sɛ Oguanhwɛfo panyin no ba a, wɔbɛma mo anuonyam ahenkyɛw a ɛremɔ da.

<sup>5</sup> Saa ara na ɛsɛ sɛ mo a moyɛ mmabun no, mobrɛ mo ho ase ma mpanyimfo. Mo nyinaa mfa ahobrɛase nkataanim mmɔ mo asen na monsom mo ho mo ho efisɛ Kyerɛwsem no ka se, “Onyankopɔn siw ahantanfo kwan na ɔdom ahobrɛasefo.”

<sup>6</sup> Enti mommrɛ mo ho ase nhyɛ Onyankopɔn nsa a tumi wɔ mu no ase, sɛnea ɛbɛyɛ a ɔbɛma mo so wɔ bere a ɛsɛ mu.

<sup>7</sup> Momfa mo dadwen ne mo haw nyinaa nto ne so, efisɛ odwen mo ho.

<sup>8</sup> Mo ani nna hɔ; monwɛn, efisɛ mo tamfo bonsam no nam sɛ gyata a ɔbobɔ mu hwɛhwɛ nea obenya no amene.

<sup>9</sup> Momfa gyidi nnyina pintinn nsiw no kwan efisɛ munim sɛ mo nuanom agyidifo a wɔwɔ wiase mmaa nyinaa rehu saa amane koro no ara bi.

<sup>10</sup> Na adom nyinaa Nyankopɔn a wafɛ mo aba ne daa anuonyam mu wɔ Kristo mu no, ɔno ara na sɛ munya hu amane kakra ansa a, obesiesie mo pɛ; ɔbɛma mo ase atim; ɔbɛhyɛ mo den; ɔbɛma moanya nnyinaso.

<sup>11</sup> Ɔno na tumi wɔ no daa daa. Amen.

<sup>12</sup> Me nua ogyidini Silwano na ɔboaa me ma mekyerɛw saa krataa tiaa yi. Mɛpɛ sɛ mehyɛ mo nkuran na midi adanse se eyi yɛ Onyankopɔn adom kann. Munnyina mu dennen.

<sup>13</sup> Asafo a Onyankopɔn ayi wɔ Babilonia no ne me ba Marko kyia mo.

<sup>14</sup> Momfa ɔɔ atuuɛ wɔ Kristo mu nkyiakya mo ho mo ho.

Asomdwoe nka mo a mowɔ Kristo mu no nyinaa.

**Biblica® Wonhia εho kwamma nhoma  
Akuapem Twi Nkwa Asem™  
Twi: Biblica® Wonhia εho kwamma nhoma  
Akuapem Twi Nkwa Asem™ (Bible)**

copyright © 2020 Biblica, Inc.

Language: Akuapem Twi (Twi)

Dialect: Akuapem

Translation by: Biblica, Inc.

This work is made available under the Creative Commons Attribution-ShareAlike 4.0 International License (CC BY-SA). To view a copy of this license, visit <http://creativecommons.org/licenses/by-sa/4.0> or send a letter to Creative Commons, PO Box 1866, Mountain View, CA 94042, USA.

Biblica® is a trademark registered by Biblica, Inc., and use of the Biblica® trademark requires the written permission of Biblica, Inc. Under the terms of the CC BY-SA license, you may copy and redistribute this unmodified work as long as you keep the Biblica® trademark intact. If you modify a copy or translate this work, thereby creating a derivative work, you must remove the Biblica® trademark. On the derivative work, you must indicate what changes you have made and attribute the work as follows: “The original work by Biblica, Inc. is available for free at [www.biblica.com](http://www.biblica.com) and [open.bible](http://open.bible).”

Notice of copyright must appear on the title or copyright page of the work as follows:

Biblica® Open Akuapem Twi Contemporary Bible™

Copyright © 1996, 2020 by Biblica, Inc.

“Biblica” is a trademark registered in the United States Patent and Trademark Office by Biblica, Inc. Used with permission.

You must also make your derivative work available under the same license (CC BY-SA).

If you would like to notify Biblica, Inc. regarding your translation of this work, please contact us at <https://open.bible/contact-us>.

**Biblica® is a trademark registered in the United States Patent and Trademark Office by Biblica, Inc. and may not be included on**

any derivative works. Unaltered content from open.bible must include the Biblica® trademark when distributed to others. If you alter the content in any way, you must remove the Biblica® trademark before distributing your work.

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2021-04-09

---

PDF generated using Haiola and XeLaTeX on 18 Apr 2025 from source files dated 29 Jan 2022

db9c1a75-e6f7-5999-979b-02f8eb612f40